

05 OCT 1997

TPM UZBEKISTAN TIBA UNTUK LAWATAN TIGA HARI

KUALA LUMPUR, 5 Okt (Bernama) -- Timbalan Perdana Menteri Uzbekistan, Victor Chjen tiba pagi ini untuk lawatan rasmi tiga hari.

Ketibaannya di Lapangan Terbang Sultan Abdul Aziz Shah disambut oleh Menteri di Jabatan Perdana Menteri Datuk Abang Abu Bakar Mustapha.

Atur cara Chjen termasuk menemui Datuk Seri Anwar Ibrahim di Jabatan Perdana Menteri esok dan Perdana Menteri Datuk Seri Dr Mahathir Mohamad pada Selasa.

Esok juga, Chjen dijangka menghadiri Seminar Antarabangsa Mengenai Perniagaan Malaysia-Uzbekistan di Pusat Dagangan Dunia Putra, di sini.

Beliau kemudiannya akan menghadiri taklimat oleh Perbadanan Kemajuan Negeri Selangor, melawat kawasan perindustrian Shah Alam dan berbincang dengan Pengerusi Permodalan Nasional Berhad Tan Sri Ahmad Sarji Ahmad Abdul Hamid.

Pada Selasa, Chjen akan melawat Menara Kembar Kuala Lumpur (KLCC) dan kemudiannya diraikan oleh Dr Mahathir pada satu jamuan.

Chjen akan pulang ke Tashkent pada Rabu.--BERNAMA

ZKS MAI